

Greenland Oil Spill Response ukiumoortumik ataatsimeersuarpoq



Assiliisoq: Lars Demant-Poort

Uuliasiorluni misissuinnermut suliassaqarfiup iluani ingerlatat annikikkaluartut, ukioq 2015 Greenland Oil Spill Response-mut (GOSR) ulapaarfiuvoq.

Aprilip sisamaani 2016 Greenland Oil Spill Response ukiumoortumik ataatsimeersuarpoq, uuliasiornerup iluani nunani tamalaani annikilliertortitsisutut malunnaateqaraluarluni GOSR 2015-imi ulapissimapput.

Ukiumi ilanngaaseereerluni kaaviiartitat 2014-imi DKK 3.957.641-iusimallutik DKK 4.645.801-iupput. Akileraaruteqareermermi angusat nalinginnaasut 2014-imi DKK-228.587-iusut ukioq manna DKK-114.266-iupput. Aqutsisut ukiumi angusat, 2014-imi angusanut sanilliullugit, naammaginartutut isigaat.

Siulersuisut tamarmik qineqqinneqarput, siulersuisullu taamaammik suli ukuupput Steen Ove Hansen, Oddbjørg Varhaug Greiner aamma Hanne Berthels.

Uuliakoornermik akiuiniarnermut ilinniartitaaneq

2015-imi namminneq kajumissutsiminnik upalungaarsimasussanut ilinniartitsineq aallartippoq. Inuit 16-it juni 2016-imi juunip naanerani uuliakoornermik akiuiniarnermut ilinniartitaaneq malitassanik nunani tamalaani akuerisaasunik aallaaveqartoq GOSR-ip ingerlataa naammassisimassagaat naatsorsuutigineqarpoq. Uuliakoornermik akiuiniartartut 16-it taakkua innuttaasuupput inuinnaat, Nuummiittut aamma Aasianniittut; illoqarfiit marluk

taakkua GOSR-ip atortuinit inissisimatitsivigineqartut.

Nammineq kajumissutsiminnik upalungaarsimasoqarnermi uuliamik mingutsitsinermik akiuiniarnermut atatillugu najukkami ilisimannittunik sukkasuumik sulilersitsisarnissaq GOSR-ip sullitaannut qulakkeerneqarsinnaalissaaq.

Atortunik misileraaneq

Memorandum of Understanding (MoU) GOSR-ip aamma tuluit ingerlatseqatigiiffiata OSRL Ltd.-ip akornanni 2014-imi isumaqatigiissutigineqartoq pissusissamisoortumik malitseqartillugu, 2015-imi ukiaanerani ataatsimoorluni atortunik misileraanissap annertunerusup kiisalu Kalaallit Nunaanni sungiusarnissap GOSR-ip aamma OSRL-ip akornanni pilersaarusionerqarnera aallartinneqarpoq. Atortut OSRL-imit nassiunneqartut, GOSR-ip atortuisa misilerarneqarnerat, kiisalu Kalaallit Nunaanni ataatsimoorluni sungiusarnek, 2016-imi iluatsitsiviulluarterujussuarmik ingerlanneqarput.

GOSR nunani tamalaani suleqatigiinnerat

Nunani tamalaani suleqatigiinneq aamma ilisimasanik avitseqatigiittarneq GOSR-imut taassumalu ineriartorteqqinneqarneranut pingaaruteqartorujussuupput. Taamaattumik GOSR-ip 2015-imi upernaakkut ilisimatusarfiit 12-it allat peqatigalugit EU-p Horizon 2020 ingerlataa aqputigalugu aningaasalersuinissaq pillugu qinnuteqaateqarneq aallarereerpa. Suliniummi *“Integrated oil spill response actions and environmental effects – GRACE”* silap pissusaani nillertumiittumi uuliakoornermut upalungaarsimanerup iluani ineriartortitsineq, sunniuteqarluartumik ingerlatsinermik sanilliuissisarnek naliliisarnerlu, kiisalu periaatsit assigiinngitsut avatangiisinut sunniuteqartarnerat, aallunneqarput. Suliniut 2016-ip aallartinnerani akuerineqarpoq aammalu 2016-ip aallartinneraniit 2018-ip aallartinneranut ingerlanneqassalluni. Missingersuutit ataatsimut katillugit annertussuseraat EUR 5,28 mio., taakkunanga GOSR-ip suliniummi peqataanera annertussuseqarluni EUR 230.000, taakkualu ilaatigut misileraanissamut atortunik pisinermut kiisalu Kalaallit Nunaanni angallammik attartornissamut atorneqassapput.

Ukiumoortumik nalunaarusiaq 2015-imut uani atuaruk: [Ukiumoortumik nalunaarusiaq 2015](#)

Paasisaqarnerorusuttut attavigisinnaavaat

Pisortaaneq Lonnie Bogø Wilms

+299 325 245

Email: lbw@gosr.gl